

ՈՒՂԵՑՈՒՅՑ

ԲՊՀ «ԲԱՆԲԵՐ» ՊԱՐԲԵՐԱԿԱՆԻ ՀՈԴՎԱԾՆԵՐԻՆ ՆԵՐԿԱՅԱՑՎՈՂ ՊԱՀԱՆՋՆԵՐԻ

1. Հոդված ներկայացնելու պայմանները

ԲՊՀ «Բանբեր» գիտական պարբերականում հրատարակության են ընդունվում հոդվածներ, որոնք համապատասխանում են պարբերականի մասնագիտական ուղղվածությանը («Լեզվաբանություն և բանասիրություն», «Մանկավարժություն և հասարակական գիտություններ»), պարունակում են գիտական նորույթ և արդիականություն: Յուրաքանչյուր ուղղությամբ տարեկան հրատարակվում է երկու համար՝ տպագիր և էլեկտրոնային ձևաչափերով:

Գիտական աստիճան չունեցող հեղինակները պարբերականի հրատարակչական խորհրդին են ներկայացնում գիտական ղեկավարի (կամ գիտական աստիճան ունեցող տվյալ ոլորտի մասնագետի) կարծիքը կամ ամբիոնի ստորագրված երաշխավորությունը:

Հոդվածը ներկայացնելուց առաջ հեղինակները պարտավոր են [ծանոթանալ պարբերականի հրատարակչական բարելավրության կանոններին](#):

Հոդվածների բնագրերը, դիմումը և տեղեկացման թերթիկը լրացված ու ստորագրված ուղարկվում են «Բանբերի» bsu.sciencedep@gmail.com էլեկտրոնային հասցեին:

2. Հոդվածների ձևավորման սկզբունքները և կառուցվածքը

Հոդվածը կարող է ներկայացվել հայերեն, ռուսերեն, անգլերեն, առանձին դեպքերում նաև այլ լեզվով: Հոդվածի հեղինակ(ներ)ի անուն ազգանուն(ներ)ը, վերնագիրը, տրվում են 12 pt տառաչափով, գլխատառերով և թավ (bold):

Հոդվածի վերնագիրը պետք է ծավալուն չլինի (առավելագույն 10 բառ) և արտացոլի հոդվածի բուն բովանդակությունը:

Յուրաքանչյուր հոդվածի **ՀՏԴ**-ն (համընդհանուր տասնորդական դասակարգման կոդը) և **DOI**-ին (թվային նույնականացման համարանիշը) տեղադրվում է Խմբագրության կողմից՝ հոդվածը հրատարակության հանձնելուց առաջ:

Հոդվածը պետք է բաղկացած լինի առանձին բաժիններից՝ համապատասխան ենթագրերով՝

Համառոտագիր (Abstract)

Համառոտագիրը ինքնուրույն տեքստ է և պետք է արտացոլի հոդվածի առանցքային բովանդակությունը, որում վերնագրի ուղղակի կրկնօրինակումը և հոդվածի տեքստային հատվածների մեջբերումներն անընդունելի են: Համառոտագրում առավելագույնը 200 բառի

սահմանում հակիրճ ներկայացվում են հետազոտության առանցքային դրույթները և հիմնական արդյունք(ներ)ը: Համառոտագրում չպետք է լինեն հղումներ, իսկ հապավումները պետք է բացված լինեն:

Հիմնաբառեր (Keywords)

Հիմնաբառերը պետք է առանձնացվեն ստորակետերով (5-7 բառ, բառակապակցության դեպքում առավելագույնը 3 բառ): Նախադասություններ չեն թույլատրվում: Հարկ է խուսափել չակերտներից, փակագծերից և այլ նշաններից:

Ներածություն (Introduction)

Ներածությունը պետք է ներկայացնի ուսումնասիրության հիմնախնդիրները, հիմնավորի, ոլորտում տվյալ հետազոտության արդիականությունը և նորույթը, տեսական և գործնական/կիրառական նշանակությունը, հետազոտական մեթոդ(ներ)ը, նախանշի հետազոտության նպատակը և խնդիրները:

Ենթավերնագրեր

Հոդվածի տեքստը պետք է ունենա բաժիններ՝ իրենց ենթավերնագրերով, որոնք ներկայացնում են հետազոտության առանձին դրույթները և խնդիրները:

Եզրակացություն

Եզրակացությունը պետք է ներկայացնի հետազոտության ընդհանրական բնութագիրը, որում հստակ ձևակերպված կլինեն հետազոտության հիմնական եզրահանգում(ներ)ը:

Գրականության ցանկ

Գրականության ցանկում նշված աղբյուրները պետք է համապատասխան լինեն հոդվածի բովանդակությանն ու ուսումնասիրության առարկային: Գրականության ցանկից հետո **REFERENCES** բաժնում այբբենական կարգով, լատինական տառադարձման տարբերակով (տառադարձման համար կարող եք օգտվել www.translit.ru կայքից) պետք է տալ հոդվածում օգտագործված ոչ լատինատառ գրականությունը, որից հետո փակագծերում (...) նշել բնագրի լեզուն, օրինակ.

P. Bediryan, Jamanakacic hayereni dardzvacabanutyun, Yerevan, , 1973, p.213, (In Armenian).

A.D. Reichstein, Sopostavitelni analiz nemeckoi I ruskoi frazeologii, Moskva, 1980. (In Russian)

Օգտարալեզու ամփոփագրեր

Հոդվածի լեզվից տարբերվող մյուս երկու լեզուներով ամփոփագրերը գետեղվում են աշխատանքի վերջում և չպետք է գերազանցեն 300 բառը: Հոդվածի հեղինակ(ներ)ի անուն ազգանուն(ներ)ը, վերնագիրը գլխատառերով, 12 pt տառաչափով և թավ (bold), հիմնաբառերը փոքրատառերով՝ 12 pt տառաչափով և թավ (bold):

Հեղինակի մասին տեղեկություն

Հողվածի վերջում տրվում է հեղինակի մասին տեղեկություն երեք (հայերեն, անգլերեն և ռուսերեն) լեզուներով, գիտական աստիճանը, գիտական կոչումը, զբաղեցրած պաշտոնը, գիտական կամ ուսումնական կազմակերպության լրիվ անվանումը /ինստիտուտ, համալսարան, ամբիոն, ֆակուլտետ, բաժին և այլն/, էլ. փոստի հասցեն, (հեռախոսահամարը նշել էլ. նամակում՝ հեղինակի հետ հետադարձ կապի պահպանման նպատակով):

3. Հողվածին ներկայացվող տեխնիկական պահանջները.

- ✓ Հայերեն ռուսերեն և անգլերեն շարվածքի տառատեսակը՝ GHEA Grapalat,
- ✓ հիմնական տառաչափը՝ 10,
- ✓ միջտողային սահմանաչափը՝ 1.15,
- ✓ հողվածի ծավալը՝ ոչ պակաս, քան 0.5 և ոչ ավել քան 1,0 մամուլ, նվազագույնը 8, առավելագույնը 16 էջ՝ ներառյալ ամփոփագրերը,
- ✓ էջի չափսերը՝ 160x230 մմ,
- ✓ էջի լուսանցքները՝ վերև 2 սմ, ներքև՝ 2,5 սմ, ձախ՝ 2 սմ, աջ՝ 2 սմ /առանց ոճական ձևավորումների/,
- ✓ գրաֆիկների և աղյուսակների լայնությունը՝ մինչև 125 մմ,
- ✓ պարբերության սկիզբը՝ 1սմ խորքից,
- ✓ բոլոր էջերը պետք է համարակալված լինեն,
- ✓ տեքստում չպետք է լինեն կրկնակի բացատներ և տողադարձեր,
- ✓ աղյուսակները պետք է լինեն համարակալված և վերնագրված, ուղղահայաց դիրքով (Portrait),
- ✓ գծապատկերները, դիագրամները, լուսանկարները պետք է ունենան բարձր որակ և համապատասխանեն տպագրության որակական պահանջներին, ներտեքստային հղման մեջ պետք է համարակալվեն և այլ աղբյուրից վերարտադրման պարագայում՝ պետք է նշվի աղբյուրի կարճ, իսկ գրականության ցանկում ամբողջական տվյալները:
- ✓ Տեքստում հիմնական մտքի, եզրակացության կարևոր եզրույթները շեշտադրելու նպատակով կարող են օգտագործվել տեքստի բառերի և առանձին հատվածների շեշտադրման գործիքներ՝ շեղատառ, թավ տառեր և ընդգծում:
- ✓ Հապավումներն առաջին անգամ կիրառելիս՝ հարկ է նշել ամբողջական անվանումը (տեքստի մեջ փակագծերում):
- ✓ Դարը գրվում է հռոմեական թվանշաններով: Թվերը մինչև 10-ը գրվում են տառերով, իսկ հաջորդները՝ արաբական թվանշաններով:

4. Հղման համակարգը

«Բանբերի» Խմբագրությունն առաջնորդվում է հումանիտար և հասարակագիտական ոլորտներում միջազգայնորեն ճանաչված հղումներ կատարելու հարվարդյան APA (American Psychological Association) ոճով (հղման համակարգի ուղեցույցը տե՛ս՝ APA 7 Format Citation Guide, www.mendeley.com/guides/apa-citation-guide կամ **ներբեռնել այստեղ**):

- ✓ Ներտեքստային հղումները պետք է համապատասխանեն օգտագործված աղբյուրների և գրականության ցանկին: Ներտեքստային հղումը տրվում է փակագծում (աղբյուրի լեզվով)՝ և ներառում է հեղինակի ազգանունը և հրապարակման տարեթիվը, առանձին դեպքերում նաև աղբյուրի էջերը:

Եթե հեղինակի անունը նախադասության մեջ նշված է, ապա փակագծում նշվում է միայն աղբյուրի տարեթիվը: Օրինակ՝ *Հակոբյանը (1980) գտնում է, որ ուսումնասիրությունը կատարվել է վաղ միջնադարում:*

Ծանոթագրությունները և մեկնաբանությունները, որոնք արվում են հոդվածի հեղինակի կողմից կարող են տրվել հիմնական տեքստի տողատակի հղումներով (footnote):